

ქ. თბილისი

“22” დეკემბერი 2017 წ.

ერთის მხრივ სსიპ ფერდინანდ თავაძის მეტალურგიისა და მასალათმცოდნეობის ინსტიტუტი (შემდგომში „შემსყიდველი“), წარმოდგენილი მისი დირექტორის გიორგი თავაძის სახით და მეორეს მხრივ, შ.პ.ს. „ნოვატორი - ტექნოლოგიური სისტემები“ (შემდგომში „მიმწოდებელი“) წარმოდგენილი მისი დირექტორის ვ.იოზაძის სახით, „სახელმწიფო შესყიდვების შესახებ“ საქართველოს კანონის, სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანებით დამტკიცებული „ელექტრონული ტენდერის ჩატარების წესის“ 31-ე მუხლის მე-2 პუნქტის და პრეტენდენტის - ვ.იოზაძის სატენდერო წინადადების საფუძველზე, ელექტრონული ტენდერის აუქციონის გარეშე (NAT170013509) ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ - კალენდარული დღე, კვირა, თვე.
- 1.4. „შემსყიდველი“ - ორგანიზაცია, რომელიც ახორციელებს შესყიდვას.
- 1.5. „მიმწოდებელი“ - პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.

2. ხელშეკრულების მოქმედების ვადა

- 2.1. ხელშეკრულება ძალაში შედის მხარეების მიერ ხელის მოწერის დღიდან და მოქმედებს 2018 წლის 31 მარტამდე.

3. ხელშეკრულების საგანი

- 3.1. ხელშეკრულების საგანს წარმოადგენს „საგლინავი დგანი 280-ის მიმმართველების და გლინების კასეტების დაგეგმარება-დამზადება“.
- 3.2. კლასიფიკატორის კოდი - 51541400.

4. ხელშეკრულების ღირებულება

- 4.1. ხელშეკრულების ჯამური ღირებულება შეადგენს 17420.00(ჩვიდმეტიათასოთხასოცი) ლარს დღგ-ს ჩათვლით.
- 4.2. ხელშეკრულების ჯამური ღირებულება მოიცავს ხელშეკრულებით გათვალისწინებული შესყიდვის ობიექტის მიწოდებასთან დაკავშირებულ მიმწოდებლის ყველა ხარჯს, ასევე კანონმდებლობით გათვალისწინებულ ყველა გადასახადს (დღგ-ს ჩათვლით).

5. ინტელექტუალურ საკუთრებასთან დაკავშირებული უფლებები

5.1. საქონლის ან მისი ნებისმიერი ნაწილის გამოყენებისას საპატენტო უფლების დარღვევასთან, ასევე სასაქონლო ნიშნის ან დიზაინის გამოყენებასთან დაკავშირებით წარმოშობილი დავების ან მატერიალური პასუხისმგებლობის მოგვარება ეკისრება მიმწოდებელს.

6. ხელშეკრულების შესრულების კონტროლი

6.1. შემსყიდველი ორგანიზაცია უფლებამოსილია აწარმოოს შესასყიდი სამუშაოს ხარისხის ინსპექტირება ხელშეკრულების მოქმედების ნებისმიერ ეტაპზე, განახორციელოს კონტროლი, რათა დარწმუნდნენ მათ შესაბამისობაში ხელშეკრულებით გათვალისწინებულ ტექნიკურ პირობებთან.

6.2. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

7. შესყიდვის ობიექტის მიწოდების ვადა, ადგილი და პირობები

7.1. შესყიდვის ობიექტის მიწოდების ვადა განისაზღვრება ხელშეკრულებაზე ხელის მოწერის დღიდან არაუგვიანეს 2018 წლის 31 მარტისა.

7.2. მიმწოდებელი შესყიდვის ობიექტის მიწოდებას განახორციელებს მისამართზე - ქ. თბილისი, ე. მინდელის ქ. №10.

7.3. შესყიდვის ობიექტის მიღება ფორმდება მიღება-ჩაბარების აქტით, რომელიც დადასტურდება შემსყიდველისა და მიმწოდებლის მიერ საამისოდ უფლებამოსილი წარმომადგენლების ხელმოწერებით.

7.5. სამუშაოს შესრულებისათვის საჭირო მასალები უნდა იყოს მაღალი ხარისხის.

8. ანგარიშსწორების ფორმა, ვადები და პირობები

8.1. მიმწოდებელთან ანგარიშსწორება განხორციელდება უნაღდო ანგარიშსწორების ფორმით საქართველოს ეროვნულ ვალუტაში.

8.2. ანგარიშსწორების ადგილია ქ. თბილისი, ე. მინდელის ქ. №10

8.3. ანგარიშსწორება მოხდება მთლიანი ღირებულების 40%-ის წინასწარი გადახდით 7172-00 (შვიდიათასასამოცდათორმეტი) ლარი, ამ თანხის შესაბამისი ოდენობის საბანკო გარანტიის წარმოდგენის შემდეგ, რომლის მოქმედების ვადა უნდა იყოს საშუალოდ მიღება-ჩაბარების აქტის გაფორმებიდან არანაკლებ 5 სამუშაო დღე.

დარჩენილი თანხა, 10248-00(ათიათასორასორმოცდარვა) ლარი გადახდილი იქნება სამუშაოს მთლიანად შესრულების შემდეგ.

8.4. წინასწარი გადახდა ავანსის სახით საჭიროა ძირითადი მასალებისა (ლითონის მასალები) და სხვა მაკომპლექტებელი მასალების შესაძენად.

8.5. ანგარიშსწორება მოხდება საბანკო გარანტიის წარმოდგენიდან 5 (ხუთი) სამუშაო დღის ვადაში.

8.6. დაფინანსების წყარო - 2017 წლის და 2018 წლის სახელმწიფო ბიუჯეტის ასიგნებები.

9. საგარანტიო ვადა და პირობები

9.1. საგარანტიო ვადა შესყიდვის ობიექტისთვის შეადგენს ერთ წელს.

9.2. საგარანტიო პერიოდში ინსპექტირება განხორციელდება ხელშეკრულების შესრულების ნებისმიერ ეტაპზე, სამუშაოს მიღებისას, აგრეთვე მიღების შემდეგ, მათ შორის, ხელშეკრულების

მოქმედების ვადის გასვლის შემდეგ, ხელშეკრულებიდან გამომდინარე ვალდებულებების არსებობის პერიოდში.

9.3. საგარანტიო პერიოდში აღმოჩენილი ნებისმიერი ხარვეზის აღმოფხვრა (შეკეთება), ასევე აღნიშნული სამუშაოების შესრულების პროცესში და საგარანტიო პერიოდში არახარისხოვნად შესრულებული სამუშაოს შედეგად გამოვლენილი ნებისმიერი სხვა ზიანის აღმოფხვრა მოხდება მხარეებს შორის შეთანხმებით - უმოკლეს ვადაში.

10. ხელშეკრულებაში ცვლილების შეტანა

10.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა სახელმწიფო შესყიდვების მარეგულირებელი კანონმდებლობის მოთხოვნათა გათვალისწინებით.

10.3. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

10.4. ხელშეკრულების ერთ-ერთი მხარის მიერ პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

11. უფლებების გადაცემა

11.1. მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით არსებული თავისი უფლება-მოვალეობები მესამე პირს.

12. პირგასამტეხლო ხელშეკრულების პირობების შეუსრულებლობა

12.1. ფორს-მაჟორული პირობების გარდა, მიმწოდებლის მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში გამოიყენება საჯარიმო სანქციები.

12.2. ხელშეკრულებით ნაკისრი ვალდებულებების შეუსრულებლობის ან შესრულების ვადის გადაცილებისათვის მხარეებს დაეკისრებათ პირგასამტეხლოს გადახდა ყოველ გადაგადაცილებულ დღეზე ხელშეკრულების ღირებულების 0.02%-ის ოდენობით, ხოლო, თუკი ადგილი აქვს ვალდებულების ნაწილის შეუსრულებლობას, პირგასამტეხლო შეადგენს ვალდებულების შეუსრულებელი ნაწილის 0.02%-ს ყოველ გადაგადაცილებულ დღეზე;

12.3. საჯარიმო სანქციების გადახდა არ ათავისუფლებს მხარეებს ძირითადი ვალდებულებების შესრულებისაგან;

12.4. საჯარიმო სანქციით დაკისრებული თანხა გადახდილ უნდა იქნას მხარისთვის აღნიშნულის თაობაზე გადაწყვეტილების (წერილი ჯარიმის დაკისრების თაობაზე) გაცნობიდან არაუგვიანეს 30 (ოცდაათი) კალენდარული დღისა.

13. ხელშეკრულების შეწყვეტა

13.1. შემსყიდველს უფლება აქვს ცალმხრივად შეწყვიტოს ხელშეკრულების მოქმედება, ასევე დააკისროს მიმწოდებელს ხელშეკრულებით გათვალისწინებული ვალდებულებების შეუსრულებლობით გამოწვეული ზიანის ანაზღაურება საქართველოში მოქმედი კანონმდებლობით გათვალისწინებული წესის შესაბამისად: ა) თუ მიმწოდებელი არ ასრულებს

ან არაჯეროვნად ასრულებს ხელშეკრულებით ნაკისრ ვალდებულებებს; ბ) თუ მიმწოდებელი სისტემატიურად და/ან უხეშად არღვევს ხელშეკრულების პირობებს; გ) იმ შემთხვევაში, თუ მიმწოდებლის მხრიდან შესყიდვის ობიექტის მიწოდების ვადების დარღვევის პერიოდი აღემატება 30 კალენდარულ დღეს ან ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 1%-ს; დ) თუ შესყიდველისათვის ცნობილი გახდა, რომ მისგან დამოუკიდებელი მიზეზების გამო მიმწოდებელი ვერ უზრუნველყოფს ხელშეკრულებით ნაკისრი ვალდებულებების შესრულებას; ე) საქართველოს კანონმდებლობით გათვალისწინებულ სხვა შემთხვევებში;

13.2. შესყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულებების შეუსრულებლობის წერილობითი შეტყობინების შემდეგ: ა) თუ მიმწოდებელს ხელშეკრულებით გათვალისწინებულ ან შესყიდველის მიერ გაგრძელებულ ვადებში არ შეუძლია გაწიოს მომსახურება ან მომსახურების ნაწილი; ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება.

13.3. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

14. ფორს-მაჟორი

14.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

14.2. ამ მუხლის მიზნებისათვის "ფორს-მაჟორი" ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შესყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

14.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

15. დავები და მათი გადაწყვეტის წესი

15.1. შესყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ორგვლივ.

15.2. თუ ასეთი მოლაპარაკებების დაწყებიდან 30 (ოცდაათი) დღის განმავლობაში შესყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს, თუ ხელშეკრულების პირობებში სხვა რამ არ არის გათვალისწინებული.

16. სხვა პირობები

16.1. ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და ერთი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

16.2. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

შემსყიდველი:

სსიპ-ფერდინანდ თავაძის მეტალურგიისა

და მასალათმცოდნეობის ინსტიტუტი

მის: მინდელის 10

ს.კ.211 346 444

მიმღების ბანკი: სახელმწიფო ხაზინა

ბანკის კოდი: TRESGE22

ანგ.კოდი: 7 0879 7235

დირექტორი



მიმწოდებელი:

შ.პ.ს. „ნოვატორი-ტექნოლოგიური

სისტემები“

მის: პანკისის 2/3

ს.კ.211402926

სს „თი ბი სი“ ბანკი

ბ.კ. TBCBGE22

ა/ა GE02TB110000 0022467106/GEL



შ.პ.ს. „ნოვატორი-ტექნოლოგიური სისტემები“

№	დასახელება	რაოდ.	ერთეულის ფასი	საერთო ღირებულება (ლარი)	საერთო ღირებულება (ლარი) დღგ-ს ჩათვლით
1	მარცხენა ბალიში 00.00.02	2	900	1800	2124
2	მარჯვენა ბალიში 00.00.03-1	2	900	1800	2124
3	საყურე 00.00.03-2	4	100	400	472
4	შიგა სახურავი 00.00.04	4	250	1000	1180
5	გარე სახურავი 00.00.05	4	237,5	950	1121
6	მილისა ხრახნი 00.00.06	4	300	1200	1416
7	ქანჭი რგოლი 00.00.07	4	180	720	849,6
8	ჩამკეტი ნახევარრგოლი 00.00.08	4	180	720	849,6
9	სახურავი 00.00.09	4	175	700	826
10	ფირფიტა 00.00.10	4	15	60	70,8
11	სოგმანი 00.00.11	4	20	80	94,4
12	მანქეტი 140*170*15	8	25	200	236
13	ჭანჭიკი M6x15	24	0,5	12	14,16
14	ჭანჭიკი M8x15	4	0,625	2,5	2,95
15	ჭანჭიკი M12x15	8	1,05	8,4	9,9
16	ჭანჭიკი M16x15	40	2	80	94,4
17	საყელური 6.05	24	0,1	2,4	2,8
18	საყელური 8.05	4	0,1	0,4	0,48
19	საყელური 12.05	8	0,13	1,04	1,23
20	საყელური 16.05	40	0,4	16	18,88
21	მიმმართველი	8	120	960	1132,8
22	მიმმართველის ძირი	8	175	1400	1652
23	მიმართველი	16	150	2400	2832
24	ლილვი	1	250	250	295
	სულ				17420

დირექტორი:



ვ.იოზაძე

1091/102-01

საბანკო გარანტია საავანსო გადახდაზე # 165811-9458579

ქალაქი თბილისი

2017 წლის 25 დეკემბერი

ს.ს. "თიბისი ბანკის" მარჯანიშვილის ფილიალის ბექ-ოფისის უფროსი მენეჯერი ნინო წერეთელი, მოქმედებს რა წესდებისა და საქართველოს კანონმდებლობის საფუძველზე, გასცემს წინამდებარე გარანტიას ქვემოთ წარმოდგენილი ძირითადი პირობებით:

გარანტი: სს "თიბისი ბანკი"
პრინციპალი: შპს "ნოვატორი-ტექნოლოგიური სისტემები"
საიდენტიფიკაციო ნომერი: 211402926
რეგისტრაციის თარიღი: 09/01/2001

ბენეფიციარი: სსიპ ფერდინანდ თავაძის მეტალურგიისა და მასალათმცოდნეობის ინსტიტუტი
გარანტიის თანხა: 7 172.00 (შვიდი ათას ას სამოცდათორმეტი) ლარი

გარანტიის გაცემის საფუძველი:

"ბენეფიციარს" და "პრინციპალს" შორის 2017 წლის 18 დეკემბერს გაფორმდა ხელშეკრულება N74 ჰოლოგრაფიული ფირების და გასაქვავებელი სითხის შესყიდვის თაობაზე (შემდგომში "ხელშეკრულება"). ხელშეკრულებით გათვალისწინებული საავანსო გადახდის პირობიდან გამომდინარე, საჭიროა საბანკო გარანტიის გაცემა.

გარანტიის ძალაში შესვლის წინაპირობა:

გარანტია ძალაში შევა მხოლოდ მას შემდეგ, რაც სს "თიბისი ბანკში" "პრინციპალის" #GE02TB1100000022467106 მიმდინარე (საანგარიშსწორებო) ანგარიშზე სრულად ჩაირიცხება "ხელშეკრულებით" გათვალისწინებული საავანსო თანხა (არანაკლებ 7 172.00 (შვიდი ათას ას სამოცდათორმეტი) ლარისა).

გარანტიის თანხის მოთხოვნის უფლება:

"გარანტი" კისრულობს ვალდებულებას, ამ საბანკო გარანტიის წერილის პირობების გათვალისწინებით, პირველივე წერილობითი მოთხოვნის მიღებიდან 5 (ხუთი) სამუშაო დღის¹ ვადაში "ბენეფიციარს" გადაუხადოს მოთხოვნაში მითითებული თანხა, მაგრამ არაუმეტეს გარანტიის თანხისა.

1. სამუშაო დღე - კალენდარული დღე, გარდა შაბათისა, კვირისა და საქართველოს კანონმდებლობით განსაზღვრული უქმე დღეებისა.

ბენეფიციარმა წერილობით მოთხოვნაში (რომელიც ხელმოწერილი უნდა იყოს უფლებამოსილი პირის მიერ) აუცილებელი წესით უნდა მიუთითოს იმ გარემოების შესახებ თუ რაში გამოიხატება პრინციპალის მიერ ვალდებულების დარღვევა.

წერილობითი მოთხოვნა თანდართულ დოკუმენტებთან ერთად (წინამდებარე გარანტიით გათვალისწინებული რაიმე სახის დოკუმენტის წარმოდგენის აუცილებლობის განსაზღვრის შემთხვევაში) წარდგენილ უნდა იქნეს ს.ს. "თიბისი ბანკის" მარჯანიშვილის ფილიალის კანცელარიაში სამუშაო საათებში.

საგარანტო თანხის შემცირება:

გარანტიის მოქმედების ვადა:

საგარანტო თანხა მცირდება "პრინციპალის" ვალდებულების დოკუმენტალური და ბენეფიციარის მხრიდან წერილობით დადასტურებული შესრულების პროპორციულად; 08 იანვარი 2018-ის ჩათვლით.

მოთხოვნა გარანტიაზე გადახდის შესახებ "ბენეფიციარის მიერ წარმოდგენილ უნდა იქნას ამ თარიღის ჩათვლით.

თუ წინამდებარე საბანკო გარანტიის მოქმედების ვადაში არ იქნა წარმოდგენილი "ბენეფიციარის" წერილობითი მოთხოვნა "პრინციპალის" შეუსრულებელ ვალდებულებაზე მითითებით, თანდართული "ხელშეკრულების" ასლითა და წინამდებარე გარანტიით გათვალისწინებული სხვა დოკუმენტით (წინამდებარე გარანტიით ასეთის წარმოდგენის აუცილებლობის განსაზღვრის შემთხვევაში), მაშინ გარანტიის მოქმედება წყდება (ბენეფიციარის მოთხოვნის წარმოდგენილობის შემთხვევაში საბანკო გარანტია ავტომატურად უქმდება მისი მოქმედების ვადის გასვლით).

საბანკო გარანტია ზემოაღნიშნულის გარდა ასევე უქმდება შემდეგ შემთხვევებში:

- ბენეფიციარისთვის იმ თანხის გადახდით, რომელზედაც გაიცა გარანტია;
- ბენეფიციარის მიერ გარანტიიდან გამომდინარე საკუთარ უფლებებზე წერილობითი უარის თქმით და საბანკო გარანტიის დედნის გარანტისთვის დაბრუნებით;
- პრინციპალის მიერ საგარანტო ვალდებულებების სრულად შესრულებით, რომელიც წერილობით დადასტურებული უნდა იქნას ბენეფიციარის მიერ.

წინამდებარე გარანტიაზე საქართველოს სამოქალაქო კოდექსთან ერთად მოქმედებს საერთაშორისო სავაჭრო-სამრეწველო პალატის მიერ დადგენილი უნიფიცირებული წესები მოთხოვნამდე გარანტიაზე (პუბლიკაცია #758).

საბანკო გარანტიის თაობაზე წამოჭრილი ყველა დავის გადაწყვეტა მოხდება ურთიერთმოლაპარაკების გზით. შეთანხმების მიუღწევლობის შემთხვევაში დავა განიხილება საქართველოს კანონმდებლობის შესაბამისად.

ს.ს. "თიბისი ბანკის" მარჯანიშვილის ფილიალის ბექ-ოფისის უფროსი მენეჯერი ნინო წერეთელი

